



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Na osnovu čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

O D L U K U
o izboru najpovoljnijeg ponuđača

Član 1.
(Predmet odluke)

Ugovor o nabavci usluga osiguranja motornih vozila, dodjeljuje se ponuđaču **Sarajevo osiguranje d.d. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-2-754-3-6/17 od 20.09.2017. godine. Primljeno je sedam ponuda ponuđača: Zovko osiguranje d.d. Žepče, BSO d.d. podružnica Sarajevo, Sarajevo osiguranje d.d. Sarajevo, Euroherc osiguranje d.d. Sarajevo, ASA Osiguranje d.d. Sarajevo, Grawe osiguranje d.d. Sarajevo i Central osiguranje d.d. Sarajevo. Članovi Komisije za nabavke imenovani Odlukom broj: A-17/17 od 16.01.2017. godine i izmjenom Odluke o imenovanju Komisije za nabavke broj:A-17-1/17 od 21.09.2017. godine (u daljem tekstu: Komisija), izvršili su pregled i ocjenu ponuda (Zapisnik o pregledu i ocjeni ponuda i izvještaju o radu Komisije je u prilogu ove odluke) i utvrdila sljedeće:

- Ponuđač BSO d.d. podružnica Sarajevo je dostavio samo original ponudu, a tačkom 4.2 Konkurentskog zahtjeva je traženo dostavljanje originala i kopije ponude.

- Ponuđač Grawe osiguranje d.d. Sarajevo saglasnost za potpisivanje broj:14113/17 od 27.09.2017. godine, na osnovu koje je Konjičanin Emir potpisao sve akte iz ponude, nije dao u skladu sa podacima iz Aktuelnog izvoda iz sudskog registra Općinskog suda u Sarajevu broj: 065-0-RegZ-17-006089 od 07.08.2017. godine, odnosno nedostaje supotpis jednog člana Uprave ili prokuriste Društva.
- Ponuđač Central osiguranje d.d. Sarajevo nije dostavio izjavu da u istom nije imenovana posebna uprava od strane tijela nadležnog za nadzor nad radom osiguranja, shodno važećim zakonom o osiguranju, a kako je to traženo tačkom 3.2 Konkurentskog zahtjeva.
- Ponuđači: Zovko osiguranje d.d. Žepče, Sarajevo osiguranje d.d. Sarajevo, Euroherc osiguranje d.d. Sarajevo i ASA Osiguranje d.d. Sarajevo su ispunili zahtjeve u pogledu opisa predmeta nabavke i tehničke specifikacije.

Shodno navedenom, Komisija je uputila preporuku v.d. glavnog tužioca Tužilaštva/Tužiteljstva BiH za izbor ponuđača **Sarajevo osiguranje d.d. Sarajevo**, koji je dostavio tehnički zadovoljavajuću ponudu sa ponuđenom najnižom cijenom.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: A-363/17

Datum: 17.10.2017. godine

Dostavljeno:

- Ponuđačima,
- Odjelu za materijalno-finansijske poslove



V.D.GLAVNOG TUŽIOCA
TUŽILAŠTVA-TUŽITELJSTVA BiH

Gordana Tadić

Gordana Tadić